

S'Ortali 'e su Monti de Tortolì



Su situ de “S'Ortali 'e su Monti” est formau de una domus de janas, tres menhir, unu cìrculu megalìticu, unu nuragi, una tumba de is mannus, unu bidditzolu nuràgicu e una domu de su trigu.

Su giassu est contau po èssiri s'esèmpiu de granaju nuràgicu

prus mannu de sa Sardigna.

Agataus testimoniàntzias de tres millènnios de preistòria gràtzias a is repertus prenuràgicus de su IV e III millènniu a.C. e a is monumentus nuràgicus de s'edadi de su Brunzu mèdiu e de sa prima edadi de su Ferru (XVI-IX a.C.).

Sa testimoniàntzia prus antiga est una domus de janas, de su Neolìticu recenti. Su nuragi cumplessu est in granitu cun sa turri centrali a tholos arta 5,5 ma fortzis lompiat peri a 20 metrus, prus de su nuragi de Barùmini.

Sa turri est ingiriada de unu muru chi inserrat 3 turrìs secundàrias e a foras de su bastioni s'agatant is còigius de degi pinnetas.

A nord si bìt unu tretu po arrimai is provistas alimentaris, formau de unu pianu cun degi silos po su laori, chi beniat arrimau peri in is girus a intru de is pinnetas cun molas po mòliri su trigu.